



药师经王极略仪轨·甘露妙滴

法王如意宝晋美彭措 编撰

益西彭措堪布 译

三宝所依之前，随力陈设各类供品。

诸佛正法贤圣僧，直至菩提我归依。
为欲完成自他利，今发无上菩提心。

愿众离诸苦，愿众得诸乐，
愿众乐不退，愿众平等舍。

愿依三宝三尊谛实力，诸佛菩萨海会加持力，
福慧圆满威权大势力，清净法界难思难议力，
此刹依正庄严如极乐，有寂妙事普皆如欲成。
愿此悦意摩尼宝宫中，诸佛菩萨安处狮莲座，
咒力明力胜解力幻变，遍满供品云海悉享用。
浊世怙主具悲七如来，释尊正法菩萨护法众，
为救我等请作胜依怙，于此降临集会作加持。
八功德水如海作供养，无死甘露妙流献沐浴，
轻薄柔软天衣我事奉，祈请诸尊悉住大福田。

无等大师释迦王，童真文殊法王子，
恩德无比静命尊，诸传承师我敬礼。
救度苦众大悲尊，七佛释尊圣佛法，
文殊师利圣救脱，秘密主等我敬礼。
大梵帝释四天王，药叉神众我悉礼。
诸佛菩萨所住方，二乘有学及无学，
身像经塔等应礼，一切所有我皆礼。

分别敬礼八佛、正法、菩萨、护法，由偈颂长行随宜，随己力能而诵。例如：

顶礼供养归依，世尊、应供、正等正觉，善名称吉祥王如来。

顶礼供养归依，世尊、应供、正等正觉，宝月智严光音自在王如来。

顶礼供养归依，世尊、应供、正等正觉，金色宝光妙行成就如来。

顶礼供养归依，世尊、应供、正等正觉，无忧最胜吉祥如来。

顶礼供养归依，世尊、应供、正等正觉，法海雷音如来。

顶礼供养归依，世尊、应供、正等正觉，法海胜慧游戏神通如来。

顶礼供养归依，世尊、应供、正等正觉，药师琉璃光王如来。

顶礼供养归依，世尊、应供、正等正觉，释迦牟尼如来。

破无明暗最胜灯，除苦恼病稀有药，
一切殊胜妙法宝，礼敬供养我归依。

顶礼供养归依，文殊师利、救脱、金刚手等一切
菩萨摩诃萨众。

顶礼供养归依，梵王、帝释、四大天王，十二药
叉等众，诸天近事护法尊神。

现今海会圣众前，普遍供养微妙物，
涂香烧香功德水，鲜花灯明丰饶食，
铙钹鼓磬妙音乐，伞盖庄严幡幢悬，
清净妙衣甘甜果，随力圆满供实物。
又供十方无主摄，人天上妙诸资具，
咒力明力胜解力，所现殊妙供品云。
此等一切供养具，咸依普贤行愿法，
普贤供云遍充满，无边虚空作献供。
无始以来至今生，恒随烦恼业力转，
应作不作作非作，造集一切诸罪堕，
今于诸佛圣众前，悉皆惭愧追悔忏。

圣者凡夫三世积，世出世善皆随喜。
十方所有世间灯，成就无上菩提者，
我今一切皆劝请，转于无上妙法轮。
诸佛若欲示涅槃，我悉至诚而劝请，
为利一切众生界，愿久住世莫涅槃。
此修所表一切善，悉皆摄集而回向，
尽虚空界一切众，无余皆证大菩提。

现今依奉经仪轨，礼敬供养诸佛会，
此行具足妙势力，故我祈请圣垂慈，
诸佛本愿胜果实，具量菩萨允诺事，
护法善神坚誓言，垂赐我等得成就。
惟愿圣教常兴盛，持教诸师恒住世，
君王有道民向善，众生安乐胜解法，
贫穷鬼病斗争息，心慈正法吉祥增，
断除障碍资粮圆，群生速证大菩提。
惟愿常随诸圣学，一切诸佛菩萨众，
发心事业广大愿，大智大悲大神力，
无上本智幻变事，愿我悉能成如是。

由诵咒缘，劝动八佛及其眷属誓愿起用，从身分一切处出现无量甘露光明，融入我及施主而作加持。如是观想。

喻纳摩巴嘎哇得 贝卡匝耶格热贝哲雅
扎巴鬲匝雅 达塔嘎达雅 阿哈得桑雅桑波
达雅 达雅塔 喻贝卡匝耶贝卡匝耶 玛
哈贝卡匝耶 贝卡匝耶然匝 萨么嘎得娑
哈

随力诵咒。若愿意，长咒也随宜多诵。之后念诵：

供物不周及有失，随有何过乞容恕。
世尊眷属回刹土，再请大悲还降临。

此福愿得一切智，摧灭一切过失敌，
从老病死苦波涌，大有海中度有情。

八佛圣法持法众，尽其所有妙瑞相，

有寂广大诸善聚，圆满吉祥普降集。

此番会集大经仪轨要中扼要，唯一依诸位上师言教次第編集，由阿旺洛珠聪美合集。此善愿一切众生咸得药师佛果位。善哉！